



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

LXXXV. Otto Brizeke verkauft dem Rath zu Perleberg ein Corpus juris, im J. 1408.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

LXXXIV. Der Magistrat beurkundet die von ihm vorgenommene Ablösung einer Rente,
v. J. 1408.

Wy henneke op, heyne klokowe, clawes postelyn, clawes gleman, hermen clinckspare, hans vleffow, hans herbrecht, hans enghelen, hans boden, claws vetkyn Radmanne der stad perleberghe in dessemie ieghen wardeghen iare myd den olden Radmannen vnfen vörvaren alse Sabel rülow, henrick doberfin, Jacob dalemyn, ghyze becker, ebel clinckspare, hans mas, clawes Mentze vnde arnd schulte, dun willick vnde apenbare alle vnfen nakömelinghen vnde allen den ghenen, de dessen bref zeenedder horen lezen, dat wi myd gantzer indracht in nuttecheyt vnde wromen vnser stad wedder kost vnde ghentfelken afghelicht hebben seuenteyn marck züluers iarleker rente der de rad van der stad weggen alle iar plichtech was Vt to gheuende, alse dat oldinghes vnse vorvaren vorbreuet hadden, de wie afghelecht hebben vnde en deles ghemynt hebben myt vornyginghe der breue bynnen dessen twen jaren myt sodanen ghelde alse wi vpghebord hebben vor lyfrente, de wy dar to verkost hebben, vnde myd anderem ghelde, dat to desfer tyd der stad angefallen was. Vppe dat wi Radmanne olde vnde nige vorbenomet sander vordechnisse moghen bliuen dorch der vornyginhe der breue van dessen twen jaren, zo hebbe wi darmede willick vnd apenbare ghemaket alle den werken vnser stad, des wi to tughe vnser stad groteste inghezegel myd allen werken inghezeghelen myd witschop vnde vulbort der vorrichtegen vnse lüde willeke truuenicht, Tide mollenknecht, werkmester der wullenweber, hans smed, Hans duuel, werkmester der schomaker, Ghereke burow, heyne kok, werkmester der knakenhower, Henneke glöuetzyn, heyne becker, werkmester der becker, Claws uocken, rolof pelter, werkmester der seroder vnd der korsen, endrechtelken hebben laten henghen vor dessen apene bref, de ghescreuen vnd gheueu is na der bord cristi vnser heren vnrteyhundert jar darna in deme achten jare des neghesten sonnaundes na sunte pawels daghe syner bekinghe.

Nach dem Original, wovon die Siegel größtentheils fehlen.

LXXXV. Otto Brizeke verkauft dem Rath zu Perleberg ein Corpus juris,
im J. 1408.

Ik Otte bretteke, anders ghehonamet pape otte, Bekenne vnde betughe apenbare in desfeme breue vor allen, luden de ene zeen edder horen lesen, dat ick myt wolbedachten mude rechte vnde redelken to enen steden vasten kope vorkost hebbe den erfamen wifen luden radmannen der stad to perleberge myn recht buck des keyferrechtes, lenrechtes vnde ander rechtes, alse dat an sik holt, vor ses mark zuluers, de ze my wol to dancke vnde to nughe bereydet hebben. Ock zo hebbe ick my edder mynen rechten eruen dar nenerleye losinghe edder wedderkop ane beholden vnde wil em des eyn recht were wesen. Des tho tughe hebbe ick otte vorbenamet myn Inghezegel myt willen vnde witschop laten hanghen vor dessen apenen bref, de ghescreuen vnde gheueu is na der bort cristi vnser heren vnrteyhundert jar darna in deme achten jare in sunte mathias daghe des hilgen apostels.

Nach dem Original.